

## Mohd Amirul Kasyful Nur bin Zulkifli

---

**From:** Unit Komunikasi Korporat  
**Sent:** Tuesday, February 7, 2017 3:07 PM  
**To:** UUM - All Staff; UUM - All Students; Staf - Pesara UUM  
**Subject:** Kemasukan Pelajar Baharu Semester Kedua Sesi 2016/2017



**Unit Komunikasi Korporat**  
CORPORATE COMMUNICATION UNIT  
**Universiti Utara Malaysia**



07 FEBRUARI 2017 / 10 JAMADILAWAL 1438H

=====

"UUM : UNIVERSITI PENGURUSAN TERKEMUKA"  
(THE EMINENT MANAGEMENT UNIVERSITY)

Oleh: Siti Fatimah Abdullah  
Gambar oleh: Abdul Halim Husain

### KEMASUKAN PELAJAR BAHARU SEMESTER KEDUA SESI 2016/2017



**UUM ONLINE:** Kira-kira 515 pelajar telah mendaftar bagi kemasukan Semester Kedua Sesi 2016/2017 (A162) membabitkan 472 pelajar tempatan dan 43 pelajar antarabangsa, di Inasis TM, semalam.

Menurut Penolong Pengarah Kanan, Jabatan Hal Ehwal Pelajar, Mohd Fairus Abd Majid, daripada jumlah itu, 134 orang terdiri daripada pelajar lelaki dan 381 pelajar perempuan sekali gus menunjukkan pelajar perempuan memonopoli sesi kemasukan kali ini seperti tahun lalu.

“Sejak dari pagi, proses pendaftaran penginapan berjalan lancar di Inasis EON, diikuti taklimat waris yang disampaikan oleh Timbalan Naib Canselor (Hal Ehwal Pelajar dan Alumni), Prof. Madya Dr. Abdul Malek Abdul Karim di DKG 2/1 yang diadakan serentak dengan pendaftaran akademik dan *smart card*.

“UUM turut menerima kemasukan orang kelainan upaya (OKU) seperti masalah penglihatan dan cacat fizikal,” katanya.

Pada sebelah malamnya berlangsung Majlis Ikrar Minggu Suaikenal di Dewan Inasis TM menyaksikan pelajar melafaz ikrar sebagai pelajar baharu yang menandakan bermulanya tanggungjawab sebagai mahasiswa UUM.

Lafaz ikrar pelajar ini juga sebagai tanda mematuhi segala Akta, Perlembagaan, Statut dan peraturan Universiti serta iltizam untuk memanfaatkan peluang dan menjaga nama baik universiti.

Bacaan ikrar yang diketuai oleh Muhammad Ashraf Wajdi Zakaria dilafazkan di hadapan Timbalan Naib Canselor (Hal Ehwal Pelajar dan Alumni), Prof. Madya Dr. Abdul Malek Abdul Karim dan barisan kepimpinan UUM seterusnya menyampaikan watak ikrar pelajar baharu kepada Timbalan Pendaftar, Baharudin Yaacob.

Sementara itu, pelajar baharu, Hafizul Aiman Kamalruzzaman, 22, bersyukur dapat melanjutkan pelajaran di UUM dalam program Sarjana Muda Pengurusan Operasi di samping menambah kenalan yang berbeza budaya.

Hafizul mengakui aktiviti yang diatur sepanjang minggu suaikenal dapat membantu mengenali UUM dengan lebih dekat tentang kemudahan dan perkhidmatan yang disediakan misalnya perpustakaan yang menyediakan sumber maklumat, lokasi bahan, kaedah dan teknik pencarian bahan.

“Kemahiran ini amat penting bagi membantu pelajar mengesan bahan-bahan dalam melengkapkan tugas pelajar dengan lebih berkesan.

“Saya bertekad untuk belajar bersungguh sungguh dalam mencapai kecemerlangan dalam pelajaran di samping melibatkan diri dalam pelbagai aktiviti kemasyarakatan, kesukarelawanan dan kelab demi menimba pengalaman serta mengasah *soft skill* yang memberi banyak manfaat apabila melangkah ke alam pekerjaan,” luahnya.

**DARIPADA:**  
**UNIT KOMUNIKASI KORPORAT**  
**UNIVERSITI UTARA MALAYSIA**  
04-928 3048/3049/3052/3061  
04-928 3053  
ukkuum@uum.edu.my  
Universiti Utara Malaysia (Official FB)





Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.